

مؤسسی : ابن السری
مصطفی نامق

مدیری : ابن السری
احمد جودت

آشیان

ادبی ، علمی ، سیاسی ، اجتماعی ، فنی ، اخلاقی هفته لق مجموعه در

پنجشنبه

برنجی جلد

نومرو ۶

برنجی سنه

۱۹ رمضان ۱۳۲۶

۲ تشرین اول ۱۳۲۴

استانبول

محل اداره سی : جفال اوغلنده دائره مخصوصه

مطبعه عامره

۱۳۲۴



أك كوزل كون

قرق ياشنه گلش ، مساهه حياتك بلكه اوچده ايكيسنى يورومشدى . دوشو-
نيوردى . آقشامك كافه مناظر وچاداته ويردىكى اُسمرى مشوشى آره سنده سونوب
كىدن متفكر نظرلرني ، پارماقنه دايانوب قالدېنى بالقوندىن قارشىكى باغچه ديوارى
اوزرنده ، خيال پرست منخيلرله دولاشدير يور ؛ بمضاده ، ألوانى كيتدكه سيلين
آغاچلرك داللى آره سنده كى سياه اويوقلرده براقور ، كويا برآنده چوق شيلر
دوشونك ايسنيه يوردى !

أك كوزل كون ! اوت ، شوقرق سسنهك صوك يكرميسى ، حقى اون بشى
اچنده كى اويتمز توكنمز سرگذشت ايام ، او احاطه سى مشكل حادثات اچنده
يوارلانان كونلرينك أك كوزلى ، هانكيسى ايدى ؟

مكتبدن چيقدينى ، او برچوق سسنهك كندىنى بكنمش آمال موقعيانه ،
غلبه مساعيسنه شاهد اولان شهادتنامه سنى ، برلواء ظفر كى ، آلدنه طوتدق اوينه
كلديكى كوغمى ايدى ؟ ويا اوكونك بوتون افكار وحسياتى تهيج ايدرك كنديسنه
كاذب براتسام تقدير ، آتیه دوعرو اوزانه رق كيت كیده غائب اولان برافق
مجهوله قارشمش ، ييلنمز اقليملر كوسترن طالعك قوی وعدلرعى ايدى ؟! . خاير !
اوكون بو قدر چوق دكل ، بلكه ده هيچ سونمه مشدى . چونكه برسنه اول ابديته
دوعرو بردنبره صا ووشوب كيدن كوچوك قارده شينك - ينه او فقلره يتشمك
ايچون - بسله نيكي بويوك امللرك خاطراتى ، اوه كلديكى وقت باشقذرلرينك چهره .
سسنده كوروليوردى . اوكون ، هيچ برزمان أك كوزل كون اوله مازدى . .
اويله ايسه هانكيسى ايدى ؟

دوشوندى . بودفعه دها شديد برتحرى ايله ماخيسنى عادتا هرج ومرج

ایدرک ، اوبیکلرجه کونلری برر برر طوتوب صارصارق دوشوندی . اولندیکی کون ، بوتون ولوله سروری ، یکی وبارلاق مناظری ، آهنگ شهاب ترنم ایدن صدالریله کوزینک اوکنه کلدی . بونده کی ابتسام خفی ، دهارنکین برش-مرك ، دهاجاذبه دار برحقیتک، تعریفی مشکل کوزللاکلرنندن ایدی . فقط دماغی یوقلایان هائله آتی ، اوکا ینه بعض دقیقه لرده « فآ اوست » ک شیطانی کبی خوف تحکمی آنی ظهورلرله کوستریوردی : اوت ! بوده ، بوکونده - قورقولری مجهول بر طقم حسیات وهمیه دن عبارت قالسه بيله - ینه اُک کوزل کون دکلدی . کوزلدی ، بوسبوتون یکی ایدی ، صاف وبراقدی ، سویلی ایدی ، فقط ... اُک کوزل .. دکلدی !.

یوقسه یانیلیورمی ایدی ؟ آرتق کافئه موجوداتی بلع ابدن شو اطرافنده کی قارانلقلرک اوچکن کونلرهدمی سرائتی واردی ؟ بوکشیف ظلمت ، قوه مفکره . سنی ده می اورتمشدی ؟ .. آرانیا لاشی چوق ومتعدد دکلدی . یالکز .. یالکز برکوندی .

وارلغنگ انسانیتیه خادم اولان برچوق معنوی سرورلری ، صرف وجدانی حسناتی ، وبونلردن اوکونلرده ، اوزمانلرده حس ایتدیکی درونی ذوقلری خاطرینه کلدکجه علوجنابنه دوقونیور ، بونلری تخطرایتدیکنه اوطانه رق بشریتی استخفافه قدر واریوردی . « بختسزلرک امدادینه یتشمکدن انسان مسرور اوله ماز . فلاکتلریله مجروح اولور ، فقط سوبنده من . » دیوردی . یورولدی ، ذهنی بوسبوتون قوتندن دوشدی . آرتق آجی برتبسمک صره سی ایدی . آتی نه دوغروکولومسه دی ! ذهندن بریسی اوکا کویا شوسطرلری اوقویوردی :

— حساس برعر ایچون اُک کوزل کون ، توکندیکی کوندر ...

مصیر: علی سعاد

